



徽癘新書

上



ヤ 9  
1176  
1





天 明 丙 午 冬 開 鑄

相州片倉元周著

屠蘇考徵癘新書青囊瑣  
探在東都今川橋白銀第  
三街書肆宮商閣發賣


# 徵癘新書

每部必有印記  
若無者係偽刻

靜儉堂藏  
翻刻必究



## 理徵新書跋



道。無。古。今。而。謂。有。古。今。者。  
非。古。也。乎。相。州。倉。君。深。甫。  
者。豪。傑。之。士。也。達。觀。古。今。  
以。立。一。家。言。名。曰。理。徵。新。書。

徵癘新書

程赤城跋

一 靜儉堂藏

11-2399



然本不厚則不能以耐久。源不深則不能以致遠。必也雖遠不泥。雖久不廢。言立術行。此之謂不朽矣。如倉君者。近之耶。吾醫矣哉。

今應肥州佐野先生之請。謂予所言者。以塞其責云也耳。

享和三年歲次癸亥桂月  
中澣書於崎陽客館



柏塘程霞生



Faint vertical text impressions, likely bleed-through from the reverse side of the page.

序

疾疾之至惡而最難理者莫痛若  
焉。宜乎其有惡疾之稱。而夫子自  
矜執其手而歎也。迨至近代設之  
坊。捕之院。置之園。不敢得與良民  
齒伍。雖是出于不忍之政。抑亦可  
哀哉。相州以倉深甫。蚤受業於家。



君典余少長。鉢心剝精。殆二十年矣。以其涵養之久。決生於分寸。起死乎刀圭者。日月陸續矣。而窳巧乎胎產之科。望婆斷以不媿者。深甫至而拊摩一再。得乳於蹲。循揮霍之間者。不暇倭指。而深甫不自多。居恒特憂癩。雖瘡適有一老

醫。妙瘡此疾。蓋其為法。毒素以下。蝟蝟。燔鍼以去。血蠖。內外攻之。必至為完人。而心真絕世之神方也。深甫乃重齎懇請。漸得授之。洎西游城攝勢紀之間。試諸其病。無不響應。回謂病之窳。雖理者。莫癩若焉。藥之奏。奇効。六莫此方。多焉。夫




有至惡之疾。而有至當之方。與獨  
秘以濟人。不若廣傳之濟衆也。遂  
筆而聯編。槩而布世。昔者錢子飛。有  
治大風方。極驗。常以施人。一日夢  
人自云。天使已以此病人。君違天  
怒。若施不已。天將得此病。索不能  
愈。子飛懼。遂不施。內翰蘇公志。見

事曰。若余身不然。苟病者得愈。能  
代受其苦。此可以為仁人之言也。  
今深甫可謂不懼子飛之所懼。純  
心蘇公之心者。緊此書盛行。與伯  
牛同患。而免斯疾之歎者。必多有  
焉。如徵瘡諸方。悉出其日常。以磨  
試經驗。世之同技者。若純砥。任於



心而用之。六廢乎減擴中之記也。  
天明七年歲在戊申夏五之初

東都醫官 丹波元簡謨



松檜芳文書



理徵新書序

蓋夫上古聖人所制之禮。乃後王之  
規則也。廢古之法。而新制之禮。  
君子弗由也。仲尼曰。信而好古。然  
古今異制。時世殊宜。故夏殷周  
互損益之矣。其後以陽侯殺篡侯。  
而竊其夫人。於是乎大饗廢夫。



人之禮。然則先王之制不宜則廢。末世之事善則著之。未始有常也。故聖人制禮樂而不制於禮樂。夫醫經經方古皆賢聖定之。規矩立之。準繩使末世之人百病一見而瞭然。辨析故醫之理疾疾棄古之法。立方劑於今。學者弗取也。然至

於軒岐不謫。仲景不言。元方不叙之。病則又將何以稽攷乎。若夫論因之詳。叙證之審。而其立方處劑。古昔之法。不宜于用。而後世之方。善于理。則釋古而行。今又何為拂焉。夫微瘡之為病。靈素靡載。金匱農經。病源等。陰蝕陰瘡。雖稍近似焉。



今之稱謂。肇起元初。而盛於後世。於是乎前輩建之法。編載之理。方然而或過。諸鑿或失。諸麓其畏。劇藥者。則惟平易是務。視稍黃膩粉。猶地竭。挑補劑。其惟攻伐是用。視參耆鹿角。猶鈍刀。互相倚頗矣。不亦過乎。是以予博集各家秘蘊。取以親歷。


試殆且二十年。其形雖壯實。脈候涉虛。則純補不厭。其體雖勞羸。診候得實。則駛藥何懼。然後其功效出人意外。因鳩撮此等之法。方乃成一。表名曰理微新書。有廢古之法。而創立規則者。又有賴古之法。而增新意者。予豈敢不信古哉。法方



未始有常也。夫聖人制法方而不  
制于法方。是。新書之意。蓋有似  
為。

天明七年丁未歲臘月鶴陵片倉

元周書於靜儉堂



儉齋新書

相州醫士 片倉元周 深甫 著

儉齋論

儉齋之病。攷華人所論。昉自嶺南卑濕地。而蔓延四方。  
如本邦。亦起從肥前州。而播布通國。云蓋此病。稀於  
古時。而盛于後世。故其治法。亦麓於前。而審于後。然而  
稱呼百出。濫名頗多。或隨形狀之近似者。而名焉。或取  
始所起地。而命焉。或因其所發之處。而稱焉。或依字音

儉齋新書

靜儉堂藏



假借會意以擴其名呼矣如其曰徽瘡曰梅瘡曰賣瘡  
 曰痞子曰楊梅瘡曰楊徽瘡曰楊梅毒瘡曰楊梅風曰  
 楊梅疔曰綿花瘡曰砂仁瘡曰茱萸瘡曰果子瘡曰天  
 泡瘡曰天疱瘡曰濕陰瘡曰妬精瘡曰陰蝕瘡曰廣瘡  
 曰廣東瘡曰廣痘曰廣豆曰耻瘡曰臊疔曰濕毒曰濕  
 氣曰陰疔曰陰頭癰曰陰頭瘡曰蠟燭發曰下疔曰便  
 毒曰魚口曰魚口瘡曰橫疔曰橫眼曰疔疔曰蛀梗曰  
 蛀疔瘡曰蛀幹疔瘡曰卷心蛀疔瘡曰獨脚楊梅瘡曰  
 時瘡曰血疔曰血疔曰外疔曰結毒曰氣毒曰瘡瘡曰

下疔瘡曰路岐曰魯氣曰瘡瘡曰露瘡曰騎馬癰曰騎  
 馬癰曰騙馬墜之類不暇枚舉殆誣惑後人之耳目也  
 以余觀之唯徽瘡下疔便毒結毒之四名以蔽之矣而  
 此病近世尤盛而貴賤男女罹之者十居其半是誠和  
 華一轍蓋承平二百年之久人人樂安佚內則膏粱膩  
 味常充口腹遂生濕熱瘀血外則沈匿柳巷花街以動  
 蕩淫火一釀成此病遂傳之娼妓男娼則娼妓男娼之  
 傳諸人也不知其幾千百或傳之妻妾或遺之孫甥而  
 其病之將發也始則或起自誤擦破若被陰毛纏傷或



自膿淋或自痔疾或久曠房室思動色慾敗精濁血流  
滯莖內或又疥瘡發周身遂波及前陰漸致淫浸當此  
之時若隱羞不示于人或忽藥餌而用速愈摻藥等則  
遂成便毒下疳之證或瘡發周身形如楊梅或如砂仁  
若夫至其毒之尤深則為筋骨疼痛或頭痛如破或潰  
蝕前陰腐爛後竅或穿咽喉或鑿頭面或墊崩鼻梁若  
一誤治法侵禁忌則至使父母遺體永為不具器可不  
懼哉若至其證之變態則齒齦膿潰幾類牙疳或舌心  
痛或破裂或舌傍潰缺常涎液漏脫或耳內如鍾聲或

如風雨聲或如鳥雀之啾啾又如川流之湍湍或胸腹  
肋脇膈膻腎腿及前後二竅常為痛或為發癩作窩穴  
或為瘰癧為偏枯為痿痺或欬嗽吐痰如肺癰之狀或  
口鼻惡臭穢氣撲人鼻或鼻中出穢汁濃涕如鼻淵腦  
漏又出黃赤乾涕或頭面生磊塊數個日夜疼痛經久  
不破或又發潰出膿汁積年累月不收口或眼內疼痛  
生紅縷或目如注朱或唇吻生紫黑贅瘤久而潰穿黃  
汁出而不止遂至缺蝕或為腹痛為水腫為勞瘵為囊  
癰為痔漏或手脚拳攣不能伸舒或眉髮頽落幾如癩



疾證狀百端。雖不可窮盡。其爲結毒也一也。宜辨認病  
人之強弱。苑毒之淺深。及表裏上下。虛實寒熱。以施治  
法矣。又有襯呢。微瘡腐爛之人。受自穢臭氣於口鼻。直  
浸透裏面。遂作之根基者。此證多不發。梅毒便毒。而卒  
然爲咽喉腐爛。爲潰鑿。或眼目見紅花。或羞明。以漸昏  
蒙。或爲筋骨疼痛。其始以無患。疔瘡便毒等。必不可謂  
非微瘡。譬諸傷寒。猶患直中少陰病。亦宜直隨結毒之  
治法施藥也。若夫耳聾目暗。或形體柴瘠。而手脚拳曲。  
或羸瘦骨立。而關節疼痛。或漸漸飲食廢。或大便下利。

者。及因受父母遺毒。有幼少發瘡瘍。或臍中常濕潤。時  
出穢臭膿涕。或患膿淋痔疾者。若以尋常胎毒食癖治  
之。則積年之後。多成漏瘡。喜發於項腋及陰。僻肛門之  
間。後來必變見喉穿鼻崩。或寒熱欬嗽等之諸證。多藥  
餌不驗。連綿涉年。而終致不起也。

治法

初起小便澀痛。或淋漓。或陰中瘙痒。或流敗精濁膿。或  
小便爲一道。爲亂散。或馬口糜爛。或龜頭後包裹之皮。  
腫如水泡者。並龍膽瀉肝湯。加土茯苓五錢。或加味解。



毒劑若生於兩膊合縫間者謂之便毒其始鼠懸核起如瘡建而漸漸大結腫焮痛為寒熱者紅花散煎湯清榮湯或六味解毒湯俱加鱗甲午莠子之類若服之不<sub>二</sub>起脹色不變尚堅硬不潰者宜令患者強屢步履兼以家方麪粉散頻頻熨腫上或又行後項用元青法亦可其既潰者猶守用前方倍鱗甲或加黃耆二三錢外宜以白壁蒼玉煦膏二膏各等分和勻攤軟棉上以貼患處後疔瘡亦用此法若身體發楊梅及砂仁瘡者加味消疔敗毒散荆防排毒劑消風敗毒散等俱加土茯苓二三錢

而此證間有兼見筋骨疼痛者此是與結毒疼痛自異發表則愈若皮膚糜爛者柞皮湯兼用家方熨藥若連年積月不痊者亦宜從結毒治法以施藥凡微瘡愈後若癥痕紅黑不滅者用大黃白礬等分同研擦患處其痕即去若龜頭生瘡或馬口潰蝕或龜頭後凹處生瘡潰爛或成窠臼者謂之疔瘡虛者大劑雙和湯十全散一中湯之類俱加酒炒鹿角銀花土茯苓各二三錢若陽氣大虛血液枯涸者去銀花土茯苓倍參芪鹿角更加蝮蛇一二錢或取雄鷄一隻不滿三年者去毛腸切



肉炙啖日八九片正氣旺焉而後兼擇用加減五寶散  
集良丸實者奇驗湯加味解毒劑搜風解毒湯或龍膽  
瀉肝湯兼用飛龍丸缺槌丸若荏苒侵蝕不可遏止者  
以乳香湯薰洗甚者鍛石湯大妙神驗若筋骨疼痛或  
鼻柱隱隱痛或時出乾癬瘡痂黃膿或但鼻腫而其色  
紫赤或身體發痞癰或爲發潰等證必不可緩治宜遽  
令斷鹽味以大劑奇良甘草湯送下集良丸一二錢或  
白瑩水或搜風解毒湯加川芎大黃若虛者用六度煎  
下加減五寶散若咽喉潰爛或成窠臼常出稠痰臭涎

或妨礙食飲者後世名之喉癰蒿薇遺糧湯喉癰湯之  
類兼用獨味牛黃研細者每服送下一二分或結毒紫  
金丹若頭痛如破積久不差者宜用醫方筆記頭風一  
方兼以集良丸或以三稜針刺懸顛懸釐絲竹空瞳子  
髎等而出血或用角法以吮瘀血爲良或又隨證取風  
池風府若頭面發疔瘡時痛時止歷載經月不差者亦  
以三稜針刺其腫上或以粗布裹手指浸醋擦破腫上  
乃以元青一二個研末醋和勻浸綿以傳之經一宿則  
必爲水泡泡潰水出而後愈是尤神驗若眼目疼痛或



生血絲或生翳膜者。防風通聖散加土伏苓或四物湯。照黃連解毒湯。王之兼以家方明目膏。頻頻塗眼胞內。極妙。若夫結毒致嗽。如肺癰之狀者。括蕪湯。若手足不遂。筋骨疼痛。或毒結于手腕臂肘。肩背腋。下膝。膈。鬻。腿。足。跌等之處。而朝朝暮暮。痛楚殊甚。或形如痛風。歷節之狀。或頭上顏額。生磊塊。後來發潰者。或山根腫痛。或鼻梁陷壑。及積年發漏。其他結毒之證。一二三並見。前項諸藥不應者。宜用七寶散。虛甚者。宜以參芪鹿茸熟附子。濃煮汁送下。實者。加味化毒丹。白瑩水。白蛇丸。及湯。

王之凡用配輕粉諸方。病愈之後。若飲食不進。或步履無力。不了了者。宜用兩輪散。應効如桴鼓。若夫血液耗亡。肌膚不悅。澤者。六味地黃丸。十補圓。七寶美髯丹等。久服可以培其根本也。

龍膽瀉肝湯。正治肝經濕熱。玉莖患瘡。或便毒懸。癰小。便赤澀。或久潰爛。不愈。

- |    |    |    |    |    |     |
|----|----|----|----|----|-----|
| 龍膽 | 連翹 | 地黃 | 澤瀉 | 木通 | 車前子 |
| 歸尾 | 山梔 | 甘草 | 黃連 | 黃芩 | 大黃  |
| 加  |    |    |    |    |     |



水二鍾煎八分前

按此方本方去柴胡加芍連大黃  
厄子連翹甘草○又薛氏加減方

本方去柴胡加  
黃芩厄子甘草

加味解毒湯 家方

土茯苓 薔薇根 各五錢 金銀花 芎藭 木通

大黃 各二錢 木瓜 五加皮 甘草 各一錢

右九味以水一升煮取五合去滓溫服不拘時候

紅花散瘀湯

正宗

治入房忍精強因不泄以致瘀精濁血

凝結兩脰或小腹之傍結成腫痛小便澀滯者

當歸 紅花 蘇木 薑朮 連翹 貝母 乳香

皂角針 石決明 穿山甲 各一錢 大黃 三錢 牽牛子

二錢

水酒各一碗煎八分空心服行五六次方吃稀粥補

之

清榮湯 家方 治楊梅疔瘡

當歸 川芎 芍藥 地黃 何首烏 蒺藜子

黃蘗 各一錢 土茯苓 五錢

右八味以水七合煮取三合溫服

六味解毒湯



忍冬 土伏苓 木通上 川芎 大黃中 甘草下

右以水五合煮取二合半分溫三服

麪粉散 家方 治便毒不起脹及不發潰者

麪粉 白芥子研各八錢

右二味絹袋盛浸滾湯頻頻熨患處神效

白壁膏 紅毛稱 此膏非但治下疳便毒又能傳一切潰

瘍解熱止痛痔疾痛甚者尤神驗

白蠟 牛脂 野豬脂 家豬脂 椰子油各二錢

粉錫三十錢 麻油合



右先以麻油入潔淨鍋內慢火熬至八分下黃蠟將

柳木篋攪片時更挑少許滴入水中試軟硬得中乃

住火頃之用細舊絹濾淨却上火看似溶化之象而

入四種油脂攪和乃下鍋來猶攪候溫冷交以白堊

徐徐投入膏內不拄手攪之看漸漸膏凝其色如白

壁而後納貯瓷器聽用一方去椰子油加片腦十錢

蒼玉膏 紅毛稱 治諸腫瘍能吮膿去毒乾濕潤

黃蠟 牛脂 野豬脂 椰子油 銅綠各二錢 麻油

合一



右修煉之法。同前法。而以銅絲。最後下。

照膏

紅毛稱

治癰疽發背。諸般惡瘡潰爛者。貼之則

腐肉易脫。新肉即生。

瀝青

五十目細研

黃蠟

二十錢

牛脂

十錢

麻油

五十錢

右先煮麻油片時許。更下黃蠟牛脂。令溶化。乃入瀝

青末。攪轉。離火。用細舊絹濾淨。納瓷器。○右三種膏。

藥。并休達方。天明甲辰冬。予講產科術於靜儉堂。彼

感予精密于產蓐之技。日夜研究。數件還。語次偶洎。

瘡瘍之事。彼遂發其秘蘊。傳之。其後予屢試。有效驗。

并云。此方吾家所秘。勿妄傳人。予隘之。今刊刻。普傳。

凡醫家。雖非外科專門者。常製。可以施于人。○以上

三膏。并攤紙花中。外緣以萬應膏貼之。患處乃不脫

落。

萬應膏 治諸瘡

鉛丹

九十錢

黃蠟

十六錢

麻油

百六十目

右先煮麻油。次下黃蠟。更入鉛丹。攪轉。一晷時。鉛丹

變黑色。軟硬得中。為度。



加味消疳敗毒散

防風 獨活 連翹 荆芥 蒼朮下 知母 黃蘗  
茯苓 木通上 澤瀉 車前子 牽牛子 大黃中  
右十三味水煎溫服

荆防排毒劑

荆芥 防風 茯苓 獨活上 桔梗 川芎中 甘草  
下 枳實 生姜中

右以水四合煮取二合分溫三服

消風敗毒散

當歸 川芎 赤芍 地黃 升麻 乾葛 黃芩

各一 黃連 黃蘗 連翹 防風各八分 銀花 甘草

各五分 蟬退二

右十四味水煎服

柞皮湯

柞木皮俗稱狍皮 土茯苓各三錢 銀花 荆芥 地黃

芍藥 防風各二錢 牛膝 木瓜 黃蘗各一錢

右十味咬咀以水五合煮取二合半去滓溫服

先考苦翁先生秘方治楊梅疳瘡糜爛薰洗方



食鹽五荆芥

忍冬

各二兩

敗荷葉

五

青木葉

廿片華各未詳

俗稱過屋吉訥髮

右麤剉以水一升煮至八分屢薰洗患處

雙和湯 補血益氣治虛勞少力

芍藥

七兩半

黃芪

蜜炙

當歸

熟地

芎藭

各二分

甘草

炙

肉桂

各二兩二錢半

煎服

右為細末每二錢水一錢半姜三片棗一枚煎六分

食前服

十全散 治諸虛不足久病虛損面色痿黃脚膝無力

人參

白朮

茯苓

甘草

炙

黃芪

當歸

芎藭

熟地

芍藥

肉桂

各等分

右每二大錢水一錢姜三片棗二箇煎七分溫服此

藥補虛損大有神效

二中湯

醫方會解

即理中湯小建中湯兩合方

加減五寶散 治結毒筋骨疼痛腐爛口鼻諸藥不效

者

滴乳石

如乳頭下垂敲破易碎亮似蜻蜓翅者方真四錢

琥珀

硃砂

各二錢

龍腦

珍珠

四錢

勢州所產為上品水府產次之

然直殊貴非有力者難得之故今倍加



分兩而換用俗稱邊薩  
栗辰珠者亦有效驗

右各研極細共為一處再研數轉磁罐密收病在上  
部者用藥末一錢加飛羅麩五分病在下部者加八  
分再研和勻每用土茯苓五十錢水一升煎至五合  
濾清作五次分加五寶散一日服盡完十二日自愈  
若不愈者更作一劑如鼻子腐爛者土茯苓內加辛  
荑三錢煎服忌海腥煎炒鹵鹽房事等件○此余家  
所秘加減法應効如桴鼓

集良丸 治結毒不問年深日近筋骨疼痛或頭痛如

破或鼻柱崩塌陽物潰蝕等證平遺民方

天靈蓋 八錢 輕粉 二錢 牛膝 二錢 孩兒茶 二錢五分

鷓鴣菜 拈獲根 各一錢 天南星 二錢 大黃 四錢

麴鼠 燒存性 四分

右九味為細末打糊丸梧桐子大每晨一錢加味解  
毒湯煮汁送下○凡用此藥先用解毒湯二日次與  
此丸尋於解毒方中倍大黃應効如神

奇驗煎 治一切微瘡神効

熟地 杜仲炒 人參 黃芩 黃連炒 大黃酒炒



檳榔 黃芪 酒炒 木香 各二分 甘草 生三分 土茯苓 十錢

右十一味以水五合煮取二合半再以滓入水二合

煮取一合半和前煎汗一日服盡忌茶葱菜葡萄海腥

搜風解毒湯 治微瘡結毒筋骨疼痛不能步履或壞

肌傷骨及下疳瘡

土茯苓 十錢 防風 木瓜 木通 薏苡 白蘚皮

金銀花 各五分 皂子 四分

右水煎空心日三服

飛龍丸 治微瘡下疳玉莖腐爛筋骨疼痛諸藥不能

治者

牙茶 上好者三錢五分 大黃 一錢八分 輕粉 八分

右上一二味極細末先取粳米飯鴨蛋大摻輕粉攪和

作搏飯炙於炭火上反復候焦黃離火更捏令相得

再炙如此大都三四遍乘熱研如餅入餘藥和勻若

稠不得所更 丸麻子大每服二十五丸晨旦臨卧白

湯送下用之三日次與

鐵槌丸

丁子 大黃 巴豆 霜各等分○李東壁云稱研爛以紙包壓去油者謂之巴豆霜



周按今人以燒存性者為霜非也蓋以百草霜誤爾

右三味細末米糊丸麻子大每服十二丸間三日且暮白湯送下若病重者漸加至二十丸又宜間四五日用之○以上二方並先考昔翁先生所秘

乳香湯 治下疳瘡漸漸侵蝕不可止遏者

乳香 一錢 沒藥 六分 樟腦 二錢 蘆薈 一錢

右四味以燒酒二合煮取一合半頻頻湔患處

銀石湯 治用前方不効者此方諸潰癰用膏反侵蝕者神驗

石灰 三十錢 以滾湯一升 煇硝 四錢 膽礬 三分

右二味投入石灰汁中溫頻湔患處若為水泡者去

膽礬加礬石一錢

奇良甘草湯

土茯苓 三十錢 甘草 一錢

右以水一升煮取五合再入水一升二合煮取三合半煎汁和勻一日服盡不可別用湯水茶酒又切忌海腥炙煨鹵鹽房事等件

六度煎 治微瘡筋骨疼痛諸藥不効形體虛憊者



當歸 芍藥 附子 黃芪 虎脛骨 各一錢

土茯苓 八錢

右六味以水一升煮取六合去滓再以水六合煮取四合又以水四合煮取二合去滓以三煮汁合和溫服不拘時候

喉癰湯 治咽喉漸漸腐去飲食用粉麪之爛者必仰

口而咽每咽泣數行下

甘草 桔梗 各二錢 山豆根 龍膽 射干 各一錢

土茯苓 五錢

右六味以水五合煮取二合分溫三服每服送下牛

黃二分

薔薇遺糧湯 治結毒咽喉破鑿者

土茯苓 七錢 薔薇根 五錢 桔梗 二錢 五加皮 一錢

右以水六合煮取二合溫服不拘時候

結毒紫金丹 治遠年近日楊梅結毒筋骨疼痛日久

腐爛臭敗不堪聞者或咽喉唇鼻破壞諸藥不效者

妙

龜板 放炭火上炙焦用新安酒漿濃筆蘸塗上反復炙塗三次以焦黃為度二十錢



石決明

用九孔大者煨紅  
童便內漬之一次

辰砂

明亮者各  
末六錢

其再碾極細爛米飯為丸麻子大每服一錢量病上下食前後筋骨疼痛酒下腐爛者土茯苓湯下至重者四十日而愈此功力勝於五寶散○元周嘗屢試此方所患在咽喉者殊覺有驗

醫方筆記一方

土茯苓

四十錢

忍冬

三錢

防風

天麻

玄參

辛荑

芎藭

各六分

黑大豆

四十九粒

芽茶

一撮

右以水五碗煎取三碗分溫服

防風通聖散

宣明論

川芎

防風

當歸

白芍

連翹

薄荷

麻黃

各四分

石膏

桔梗

黃芩

各八分

白朮

梔子

荆芥

各五分

滑石

二分

芒硝

四分

大黃

四分

甘草

一錢

右生姜水煎溫服

四物湯

局方

當歸

酒炒

芍藥

芍藥

地黃

各等分

右每三錢水一盞半煎八分熱服食前



黃連解毒湯 肘后

黃連 三兩 黃芩 黃蘗 各二兩 梔子 十四枚

水六升煎取二升分再服

家方明目膏 見于青囊瑣探

菹樓湯 治結毒欬嗽似虛勞者

菹樓根 牡蠣 甘草 各一錢 連翹 羌活 各二錢

反鼻 八分

右以水五合煮取二合半分溫三服

七寶散 微瘡結毒一切難名狀之病或累月積年潰

爛不收口或筋骨疼痛手足不遂或周身發疔瘡或

咽喉糜爛或穿孔或山根脾痛或鼻梁陷墊及久年

痔漏其他頑瘡惡毒瘡皆治之其効如神不可悉述

土茯苓 炒二錢 人參 炒四錢 用俗稱鹿角 截段於土器

浸一日一夜再燒過四錢 黃雌鷄 一隻去毛腸及肉取翅骨燒存

藥時先喫一片

右為細末分作四十二貼每服一貼奇良甘草湯送

下日宜服六貼完七日見自愈兆若不瘥再作一劑

若方春夏溫熱時鷄肉難收則去毛腸完燒存性用亦可



加味化毒丹

牛黃 四分 琥珀 五分 血竭 製大黃 雄黃 朱砂  
 乳香 木香 白蘚皮 川山甲 各一錢 蟬退 二錢  
 生生乳 一錢 沒藥 一錢七分 貝母 三錢 丁香 牙皂 各五分  
 鬱金 一錢 儻蠶 四錢

右各製為末。用神麩末六錢打稠糊入藥搗勻丸梧  
 桐子大。別研朱砂為衣。每早空心服十五丸。每晚空  
 腹服十丸。砂糖湯送下。炒米湯亦可。病去藥減如餘  
 毒未盡藥不可徹。百日內勿使太勞大怒。茶酒止可。

用十分之三。凡服此丸。先用滾湯汨嚥。清胸中濁  
 氣。嗣服丸藥。藥後啖糕果之類。厭丸藥下胃。日宜尊  
 法毋忽。

是牛黃化毒乙字化毒兩合之方。雖藥繁雜取効尤  
 捷。余屢用屢驗者也。嘗按陳司成立牛黃化毒其佗  
 十干諸丸之方。意是本必一方。蓋為奇其術。一二增  
 損以廣之者而已。何必別六經見證。可以配十方乎。  
 白蛇丸 治楊梅結毒痼疾廢病。

烏梅 一錢 竹蠹蛀末 三錢 無則以淡竹末代之。牙茶 華產物一錢五分 白蛇



酒浸少一錢五分為貴及訥過未甚 洩疏皮竅當長夏時採之餘月難得

輕粉一錢紙包入搏飯內煨熟取出用

右六味極細末米糊丸綠豆大每旦食前以一錢六分赤小豆煎汁送下凡用之七日內須忌禽獸魚鱉鹵鹽茶酒唯以白粥將養之過五六日則當齒齲黑血自出完七日而後宜以淡味噌汁煮瓢蓄蘿蔔冬瓜鯉脯鰈魚鱈魚之類食啖之嗣以後方若口中麩爛者宜一味柞木皮煎煮以頻含漱口中

白蛇湯

當歸 川芎 芍藥 甘草 大黃 白蛇酒浸少炙

黃芩 肉桂 桂枝 檳榔 山椒 丁子 茯苓

人參用俗稱薩摩小人參者 青木香各等分

右生姜二片水煎服一方加葳靈仙葶蓬根乳香沒藥 用此湯七日

後又用後方

加味四物湯

當歸 川芎 芍藥 地黃 甘草 葳靈仙

葶藶 椒目各等分

右生姜二片水煎溫服



祛毒煎 去輕粉毒

車前子 牙茶各

黃連 黃蘗各

右八味水煎溫服

凡用有輕粉諸藥。疾患盡愈之後。若飲食不進。或步履無力。淹然不復舊者。宜用後方。應効如神。

兩輪散

櫻木皮華名未詳本邦稱葛跋薩孤刺訥葛窠

蜀椒各六錢

右二味細末每服一錢白湯送下日三服

白瑩水見理瀉新書

六味地黃丸見小兒直訣

嚴氏十補圓見濟生方

七寶美髯丹見本草綱目何首烏附方

以上諸方予嘗所親經驗有得師授者有得友人者又有深秘帳中而不妄傳人者予得數方甚難今不吝惜刊刻普傳大方雖然古人有言病之變狀不可一槩言之所以醫方千卷猶未盡其理故又增附諸家驗方於後臨證之工宜擇焉



地黃湯 治楊梅瘡

地黃<sup>上</sup> 牙皂 木瓜 獨活 當歸 川芎

大黃<sup>中</sup> 黃芩 黃連 甘草 土茯苓<sup>自十錢至十五錢</sup>

右十一味以水八合煮取四合服<sup>若渴者以水一升煮取七合服</sup>

凡楊梅結毒毒在上部而着咽喉牙齦頭面者宜用嗅藥法若毒着下部而手足筋骨疼痛或前後二竅疔蝕者加味芎黃散主之

嗅藥方

硃砂<sup>光明者</sup> 金箔<sup>一片</sup> 沈香<sup>一錢</sup> 百草霜

右以前三味極細末次入百草霜和勻其色濃紫色為度分為七貼再以一貼藥末作三紙撚條子今患者口裏含冷水<sup>煖則更之</sup>點火於紙撚以嗅之日宜用二條子完七日用盡

加味芎黃散

川芎 大黃 黃蘗 良姜<sup>不可陳久</sup> 輕粉<sup>二分</sup>

右以前四味極細末分作七貼臨用入輕粉和勻日用一貼以土茯苓<sup>二十</sup>煮汁送下七日服盡若病重者用輕粉二錢稍輕者用一錢隨證不用亦得



代五寶散 治結毒筋骨疼痛 田安亭方

人參 輕粉 燒各五分 巴豆 霜一錢 龍腦 五厘 辰砂 一錢

右五味極細末。糊丸麻子大。每服五丸。土茯苓湯送下。日三服。

三玄湯 治瘡其毒淺者

防風 當歸 木瓜 檳榔 羌活 白蘚皮

大黃 黃連 各等分 三玄 即野薔薇苗 土茯苓 各倍用 甘草 少

右水以五椀。煮取三椀。分溫服。

紫根牡蠣湯 治楊梅瘡毒。痼疾沈痼。無名頑瘡。及蒼

瘡。嶮惡證。神驗。

當歸 芍藥 川芎 大黃 升麻 牡蠣

黃芪 紫草 甘草 忍冬

右以水五合。煮取二合半。去滓。三服。虛者去大黃。實者去黃芪。

牛蒡子湯 治瘡毒攻咽喉腐爛疼痛。飲食不下。遠年

日近。並効。

惡實 一錢 玄參 烏犀角 升麻 黃芩 木通

桔梗 甘草 各一錢 土茯苓 四錢



右九味以水七合。煮取三合。分溫服。

治微瘡骨節疼痛神效方

大鼠一具 阿仙藥 紅花各一錢 黃丹四錢 糯米一合

右五味俱燒存性研細。每服一錢。白湯送下。日一。

又方

赤小豆 鼯鼠燒存性各五錢 大黃 輕粉 土茯苓各三錢

右五味為細末。米糊丸。梧桐子大。每服二十粒。以六

味解毒湯送下。

一葛四黃散 治結毒筋骨疼痛諸藥不能治者如神

大黃三錢 黃連 黃芩 當歸 芍藥 葛粉各一錢

葛根 黃蘗各一錢半 輕粉煨 甘草各五分

右細末。以土茯苓湯之類。日服三四錢。一方用二

葛四黃歸芍各四錢。輕粉一錢。更加龍腦五分。特神

效。煨輕粉法。用土器盛輕粉。不以多少。生紙封口。傳

糊於紙線黏着於土器口外。使粉不飛。乃上火。別設水一器。浸指于水中。彈濺蓋紙上。候水痕燥。覆紙緊張。而又彈濺焉。凡如此五十遍。離火安地上。去火毒。取出聽用。用此煨煉之法。則治効如神。又且口中曾不糜爛。可秘可秘。

微瘡神效方

鵝胡菜四錢 巴豆二錢 甘草五分



右細末稀糊丸菉豆大赤石脂為衣分作七貼以溫酒日服一貼若羸人宜十四日服盡或以菉萸煎汁送下亦得若用菉萸則宜用巴豆四錢

又嗅藥方

麝香 一分 沉香 四分 龍腦 一分 光明朱 四錢

鈇丹 四錢 百草霜 五分 金箔 銀箔 各四片

右八味為末每四分入紙撚條中長作五六寸令患者坐紙屋子中口裏含水點火于紙撚以嗅之七日而止病人必下利若吐是其驗也○若用此藥口中

糜爛者宜平胃散加蜀椒皮大黃煎服若不勝藥氣者以白梅黑豆煎服 凡用此藥者唯宜食大麥甘蕨之類忌其他一切物

治楊梅結毒筋骨疼痛奇方

四物湯 黃連解毒湯 各四錢 大黃 牡丹皮

牛膝 各一錢 白丹 七分

右為細末分為九貼日服三貼每服以後方煎汁送

下○作白丹法以鉛丹一介樟腦三十錢和勻以酒煉作餅子置瓦上上火一炊時更點火於餅子煨之烟盡則又再煉煨之如前法凡如是三遍次不用樟腦唯酒煉又更煨如前法鉛丹變白色為度



各等倍奇湯

大黃 杜仲 當歸 牛膝 地黃 白芷 黃連  
檳榔 芍藥 川芎 忍冬 甘草 木瓜 沈香  
桑寄生 各等分 土茯苓 倍用

右十六味以水七合煮取三合半去滓溫服

如神湯 治一切瘡毒侵眼目生翳膜者神效

黃芩 黃連 木通 白芷 丁子 木香 升麻  
茯苓 防風 連翹 大黃 枳殼 沈香 乳香  
薰陸 地黃 土茯苓 白蘚皮 各等分 甘草 少

右水煎服若膿出者加獨活毛髮脫者加皂角子牙

齒痛者加木瓜薏苡仁舌痛者加蟬脫人參白姜蠶

梅肉丸 諸惡瘡毒疔瘡其他無名頑瘡悉療之

梅肉 燒存性一棗半 梔子 同上 巴豆 七分  
一方用一棗八分 同上 用四分五厘

方用一輕粉 同上 右細末蜜和擣千下收磁罐先服三分三日後又服五分又三日後服七分取下惡物諸瘡乃愈

蠲痺消毒散 治時瘡肢節拘攣

姜黃 土茯苓 獨活 各五分 白朮 當歸 各一分



赤芍藥 一錢 白芷 五分

右水煎服

解毒劑 治便毒下疳疥癬

穿山甲

大黃

黃芩

反鼻

燒存性

忍冬

甘草

各

土茯苓 大

右八味水煎。溫服。有水氣小便不利者加茯苓。

反鼻散

治楊梅瘡

獨活

連翹

大黃

土茯苓

各四錢

反鼻

三錢

川芎

三錢

右細末酒服一錢匕

伯州散

治一切頑瘡結毒漏瘡。

蟹

取生淡水中甲大三四寸者可用。生海潮中者不可用。

反鼻

酒浸一宿各燒存性

鹿角

男子乳浸日曝乾。遍燒存性。各十五錢。

沈香

五錢

右四味細末。每服五分。無灰溫酒送下。日三。

按此方本出于伯耆州民間。舊名黑龍散。主治癰疽疔腫。瘰癧乳癰。下疳潰爛。難愈及痔漏脫疽等證。人屢試有效。驗故世稱之。云伯耆妙藥而不呼其方名。黑龍之名。遂湮晦矣。今人只呼曰伯州散。蓋是其真方。云而諸家所傳。品味有增加者。今駢附于後。



又方 蝮蛇燒存性 蟹燒存性 鹿角燒存性 皂角子燒存性 大黃

蛇床子俱忌火以上六味各二十錢 沈香四錢半燒半生

右七味細末每服一二錢溫酒送下○一方有銀花

又方 蝮蛇一錢去頭尾燒 蟹七錢燒 鹿茸三錢燒 牙皂三錢燒

沈香三錢 甘草二錢

右五味為末以一劑分二服溫酒送下取微醉為度

禁生蔬茶酒酢麪海腥冷水等件

治微瘡一方

大黃 犀角 黃連 黃芩 牽牛子各二錢 巴豆一錢

右六味為細末米糊丸彈丸大每服三丸至五七丸  
疔瘡薰洗方

忍冬上 黃蘗中 礬石小 甘草小

右四味水煎頻淋湔患處

膩粉元 治結毒骨節疼痛

牛膝焦黑 輕粉各二錢 土茯苓一錢半 丁子五分 將軍八分

右細末糊丸麻子大以一劑六日服盡至七日宜服

後方一名前七寶丸用土茯苓一錢每服四分旦暮服之三日後服後方一錢云

三物巴豆丸 一名後七寶丸



巴豆 七枚 丁子 二分 大黃 四分 ○一作二錢

右為細末糊丸麻子大。每服十丸。空心白湯送下。

治楊梅下疳結毒妙方 竹下某方

朱光明者 輕粉 竹皮 各十 牙茶 五厘 ○一方用一錢

右四味煉蜜丸麻子大。每服五分。旦暮服。服十五日。

後宜用後方

石榴皮湯

石榴皮 香附子 各十 甘草 二分

右三味以水一升煮取五合去滓溫服

六物解毒湯 治徽瘡骨節疼痛

土茯苓 四錢 金銀花 二錢 川芎 薏苡 各一

木瓜 一錢 大黃 一錢

右六味水煎溫服

化毒丸 治徽瘡結毒 佐非定策方

白麩 八錢 大黃 四錢 雄黃 二錢 反鼻 蜈蚣

血竭 各一分 乳香 沒藥 各一分

右八味為末煉蜜丸赤小豆大。日服三四錢隨證加

輕粉五分



疔瘡敷藥方

虎皮

西洋參

各一錢俱燒存性  
本邦稱廣東人參物

輕粉

少許

右為極細末敷患處

治楊梅毒瘡方

醫學統旨

輕粉

一錢

雄黃

丹砂

各二錢

槐花

炒

龜版

各一兩

右為末糊丸梧子大每服一錢冷茶下日二服七日

愈

治楊梅毒瘡年久筋骨痛

本草百病主治

薔薇根

木瓜

五加皮

伏苓

當歸

右水酒各半煎

百効飲

治楊梅下疳便毒神驗

土伏苓

百二十泉

玄參

銀花

防風

荆芥

連翹

黃蘗

大黃

芒硝

蟬蛻

天花粉

龍膽

豬苓

澤瀉

各二泉

甘草

一分

右分作十二貼每一貼頭煎以水六盞煮取五盞第

二次煎以水五盞煮取三盞第三次煎以水三盞煮

取一盞俱相和一日服盡完十二日而後宜用後方

蠲痰煎



茯苓 芎藭 黃蘗 桔梗 忍冬 木通

山枝子 土伏苓 大黃各等分

右水煎溫服

治楊梅瘡久不愈。或浸淫者。神效方。

銅綠 膽礬各二錢

右以蜂蜜一盞煎熬。而後以苦蕒花一撮。裹於木棉

布紮定。其頭團藥如擘。殼酸漿實狀。乃以頭傳前藥

炙火上。乘熱熨於瘡上。

黃鼎元 治楊梅結毒。筋骨疼痛。

黃芩 黃柏 大黃 當歸 蝮蛇 乳香

沒藥 犀角 芍藥各等分

右細末米糊如梧桐子大。辰砂為衣。每服二十九丸。

湯送下。日一夜一。

改定化毒丹 治結毒

牛黃真者四分 琥珀 五分 血竭 雄黃 朱砂 虎脛骨

鱧甲各一錢 鍾乳 一錢 犀角 烏虵各一錢半 龍腦 三分

麝香 一分

右十二味。神麩糊丸。梧子大。每服十五丸。砂糖湯送。



下。虛者人參湯送下。○本方加熟大黃一錢輕粉五分

名加味化毒丹橘尚賢方

元周按牛黃化毒丹。去乳香沒藥木香蟬退白蘚皮貝母生乳加腦麝鍾乳烏蛇犀角輕粉方

再造散 治大風及微毒不擇新痼服之可也

鬱金五錢皂角刺一錢大黃十錢白丑反鼻各六

右為末溫酒送下醫官山東洋方

元周按卽三因方通天再造散加反鼻方

百中飲 治下疳梅毒其他一切濕毒積年不愈或頭

面腐潰或鼻柱陷塌已成廢痼者神效津田玄仙方

土茯苓上好物一百七十泉杜仲二錢八分甘草一錢八分黃連一錢四分

檳榔人參本邦稱直根者牛膝大黃堅實者肉桂黃芩

沈香上好品川芎各一錢

右一劑分作七貼七日用盡煎法以水三合半煮

取二合再以水三合煮取二合又以水四合煮取二

合俱合和空心溫服

治廣瘡爛壞鼻梁及淫蝕陽物出于本草彙言

鍾乳石無問厚薄但明淨光澤者即堪入藥惟黃赤者不用蚌竹屑八錢



乳香 沒藥 瓦上焙 出油 象牙 各五錢 枯礬 三錢

右為細末。用白蠟四錢。總和勻。每早晚各服一錢。土茯苓煎湯調下。元周按此方平和之劑。虛人宜用。

楊梅瘡無論新久。不甘劑收功。不獨永除後患。更且無

碍生育。當歸 五錢 銀花 防風 荆芥 各三錢 何首烏 肥皂

子 九個 豬胰 一副 土伏苓 四兩 用水六碗。煎三碗。空

心溫服。忌鹽醬醋茶雞魚鵝鴨蝦蛋鮮物。出于願體 廣類

徽瀉新書





